

本铭公传赞 同治三年

间尝论忠厚矣惟忠厚足以传家亦尝劝勤俭矣惟勤俭足以裕后是以忠厚者必受其福勤俭者必享其丰理有固然无足异者如我族会祖日新公更有堪慕者少稍长即自振拔效先代之风规惟忠惟厚仰先人之大志克俭克勤诗书虽未深考而法纪凜若水霜朝耕暮学不畏劳瘁至冠而室家之愿遂焉族会祖母张令人内助称贤笃生一子鞠育抚摩者至由是恢宏栋宇

益田园其置产以垂裕后昆者何如也继而子平愿遂佑启后人清白传家於今再见如且隆於宗族喜则相庆戚则相怜至今族人犹称诵之是以年增耄算双铄其身子孙日盛莫不谓忠厚之报勤俭之徽也兹值谱牒告成用是付诸梓为后世法因从而赞曰乡里善士盛世良民子子孙孙永为仪型

族会孙光泗 谨撰

民国二十九年岁次庚孟秋月 重刊

杨公楚卿先生传赞有序 同治三年

予自应童试时得识杨子仰山交相善洎就 邑垣令似光泗从予游宾主师弟相得益彰岁癸亥仰山倡修家乘命光泗董其事功将竣以令尊楚卿先生行述相示乞予一言予生也晚恨不获公而谄陋无文复不足以传公姑就状缀其崖略用示表扬而并附赞语於其后焉

公姓杨氏讳尚涟庠名安澜字禹麓号楚卿西城营盘里人也生而颖异识解过人好读书忘寝念食惟日孜孜年二十七 应试邑候谢奇其文拔之冠军遂入泮厥后三列优等两膺鸛荐文誉日隆一时名士咸与之 孝廉贺祥麟明经欧阳德正其最著者也聊吟战艺互相切磋贺家城中踪足迹尤密毋当归来过从辄纵谈古今细论诗文靡靡不倦輿酣时或邀赴剧场共拈一题限曲终后完卷当 文庙落成时公与贺孝廉诸人倡立

圣节祀礼明乐备文物一新其处家也孝友克敦内外无间事其母出告反面卒以为常束修所人公悉付诸弟为母甘资不核数会弟惑妇言於岁除日谋析箸公归力劝不得问及钱谷荡然无存时旁观皆为公不平而公绝弗介意贺孝廉闻之以米监鱼数事乃得卒岁然公虽贫而守甚介岁甲申魏少府署赵蘭坡明府素重公名请谒无虚日戚某以事相嘱奉五十金焉寿公慨然曰吾与今道德之交故公处城中数十年其正之操常如一曰年四十七卒论惜之赞曰天人并到文行兼优敏而好学和不流孝友无间清慎罕俦探芹志喜式谷

貽谋前型虽渺古道常留片言阐发用慰潜幽

世愚侄邑庠优廪生邵云逵顿首谨撰

民国二十九年岁次庚辰孟秋月 重刊

楚卿公家传 宣统二年

公讳涟字安澜号楚卿涟字安澜号楚卿以字行为邑廩贡与同邑贺孝廉以南文莫逆初浏邑文庙草礼乐未遑公慨然引为任輿任輿贺倡议毋仲秋先师诞日必贝难黍掺豚蹄率弟子等礼嗣复就学中人稍募金购操场坪茅

茨一椽颜之曰礼局彬彬之盛宾始萌芽即今之礼乐局地也时衡师欧阳察瓣盖先生之祖与邱谷似乡贤友善踵其事就礼局侧营建乐局两局初欣合无间言后乃成讼盖其时公教授邑东山口王姓门下士日益繁数年后遍一乡焉以故东路捐款归公集南北归贺收欧邱则收邑西捐款款且钜概归乐局乐局后起较盛故各乡不相能而讼兴焉构有年不得讞后经某邑候排解劝两局合一公从之更颜之曰礼乐局出是大启文明至今称盛公之遗泽远矣先季父陶耕毋与先大夫谭及以为欧邱贺皆赞公成事者其子若孙登科甲食报独我家缺然恒引为恨先大夫喟然曰事不可一概论且当退一步想今而叔侄游泮并教读足成活未必非公所留遗也公文行过

人制艺尤胜又喜诗邑乘采之并通音律然积学不遇惜哉衡不敏不足传公志并公之文谨传公经营文庙一事得之庭训者如此

会孙振衡薰沐敬撰于闽仙源官

民国二十九年岁次庚辰孟秋月 重刊

尚庄公纪略 宣统二年

入无论 达以力堪任事为衡事无分大小以名可久称为贵若是者公於族政一则其庶几公自幼苦贫不获已厕身鬯鬯然器宇轩豁局度安详绝无尘市气素性正直不露圭棱确然之志恒以藹然之言出之故能与世无迕我族向无远志外出者有之自公始公贸易汉皋毋春初去必以冬至祀祖前期返岁以为常盖族多业农圃或负贩上下雨大支栋宇鳞 彼此是非 往而有恒积候冬至次日取決於 公焉公平正明直辄以数言解大虽大旨敦雍睦为要以此得族 欢当公之董理族事也族中父老子弟无履讼於公庭者 公没至今甘稳有餘而族犹嘖匕称道之勿少衰 公之力堪任事名可久称也如此前此谱系修自同治初元由公倡议且任之已四十七年矣今届绩修又任诸公次子领族事者族叔祖春以此见祖宗之幸而公之事公之名不朽也因乐为公纪其大略云蓝翎五品顶戴福建兴化府仙游 右堂淮补海澄

海门巡政听会孙振衡薰沐敬撰

民国二十九年庚辰孟秋月 重刊

诰封朝仪大夫杨杏亭先生家传 宣统二年

先生讳光泗字杏亭浏阳人绩学躬不用於世郡或家祭必哭哭必哀肫肫焉若孺子慕十余年如一日浏阳民俗强悍健讼称虽治杨氏自前明居召郭杨家生聚蕃衍服田力穡习其土风先生弱冠即领族事以家规以家规教子姓躬行孝弟廉让为之帅锥刀竞争輒质成为四十余年无以讼牒烦有司者光绪丙午会匪起萍乡族父老廉得子弟钩通状为陈官府湔除之独杨氏无一人被诱胁皆遵先生之

制而服其教也没后族犹谨守礼法弗衰杨氏族谱自同治初元先生随父仰山公篡修后至宣统庚戌将绩修先生子振衡时官福建海门巡检属为传谨书其大者以诏

来裔族系子孙生卒月日著於谱复录前史官黄瑞麒曰宗法亡能以族得民者鲜矣
先生犹行古之道與余受业检君之门得一见先生重而温克使人爱敬之心油然而
起固将薰薄俗使之百也况本支之日亲善良心悦诚服也宜哉钦命安徽监察御史
道政编查馆总务处科员度支部顾问宫兼清理财使

记名提学使司小门生黄瑞 敬撰并书

民国二十九的庚辰岁孟秋

杏亭公传

宣统二年

先生姓杨氏讳光泗字定贤号杏亭国学生以子贵赠封朝议大夫世居邑东关外杨家弄今城其祖安澜先生讳尚涟诸生贡大学文章品品学为当时宗隐居味道以诸生老生计平敢取与之界俭洁无长物晚益穷困其学不传而先生尊人耀成先生恒以不承其学自恨至易笔时犹引疚嘱先生必绳祖武云先生生有至性上继先业下贻孙谋艰苦卓绝自镌其躬藉旁贷终以贫故不能竟其业弃儒为吏盖即耀成先生所署名之礼科也先生敬谨从公身为曹属表率届考校试卷名册纤悉不苟其他公事亦如之故屡得长官意向例历年在署精吏事无阙失者得举吏员其出身视正途先生谦让未遑亦若雕漆子之未信坚辞不就淡於荣利而能见义勇为先是杨氏谱牒虽经前辈草定而未有成书先生惧手泽就湮而又虑后人之数典而忘也於是逾萍醴达吴豫间跋涉徒步千里穷溯源流卒得其详而归而创修之谱告成家无石储连营戚族之不克丧葬者五兄弟三皆以次为之授室次光澧早卒无子先生以仲子

为之后次光渔洵师也事详本传继又完子侄等婚嫁事时虽稍裕尚不中赘嫁娶所需无少吝而悉准於礼公余归家则课其弟若子若孙读盖尊父遗言固未尝一日忘也父没时先生年方冠而弟仅九龄抚弱弟以父道母道兼师十余年未遣就外传若不忍其弟之一刻离也者平居友爱綦笃从未尝加以疾言遽色特义方之教不少假借而一动以至诚弟幼时稍荒於嬉先生必与父言垂涕泣至诚弟幼时稍荒於嬉先生必与父言垂涕泣而道之先生泣弟亦泣弟自是不废学而卒以学行显光绪庚以试弟第三人人邑痒旋食饬明经忧科弟之学成於先生弟即以得之先生者传於先生冢君光绪丙戌亦以 府第三人人邑痒名噪甚囂与之埒先生之心大慰然不因是而稍纵也时弟自有所人矣尝纵购一敝裘值极廉持以白先生先生不怒不言泪簌簌下湿巾袖错愕不知所为久之久之先生始言曰吾先人未尝服是也卒反之后冢君亦以先生体瞿且就衰不禁 寒节脩金购裘归献先生终不服家人或强之则又泪皆营然尝优先不吉卜改葬及开兆睹遗蜕号痛如初丧哀感行路弟后以力学卒於

鄂之两湖学校洵在侧视袞衿归述其状先生涕不能仰后洵每必泣其孺慕友求爱至性敦笃类如此先生任族正有年族编氓亦薰其德而良善小有勃谿宰相戒勿以闻以故数十年族中无争者先生退然而不胜衣其言呐呐然而不出诸其口然与人谈忠孝节义事则又娓娓不倦盖先生植品至正言行无庇虽不自以学名而动静语默无非胸中学矣天理纯熟即世故偶乘当几立应更不矜张更不颖义若行所无事焉至其不而饮人以和与人并立而使人化尤莫知其所所以然也以甲辰年十二月十三日卒年六十有五座卒夕坐顾子若孙而言曰两等敦品力学吾可对吾先人矣自是不复言夫人姓姚氏大家女也本素封归先生屏去华茹苦食粝躬操作如桓少君之故事治家有法以内肃如也年愈高而健得禄养服荆布如旧时丈夫子四长世勋今

名振衡官於闽所至有政声次世楷早卒冢君亦以次子德焜为之后次世宗随兄任所次世兴今任续修谱牒者也女一适陈先生卒孙另四长德炜次德焜从洵读文与

行齐学有家法三四幼孙女四待字呜呼杨氏之兴未艾也洵以通家子侄谊得亲炙先生仰其言论风采心慕之冢君遗书千里嘱洵纪述本末勒诸家乘洵虽学殖荒落义不敢辞谨就所见闻者著於篇足见积厚流光其来有自俾后之云仍有可考焉赞曰处先生之境行先生之行在他人鲜不以为难而卒尊所闻而达焉迹其学盖深得圣门质直好义察言观色虑以下人之而又兢兢於继述之孝者也彼夫席丰履厚无数传而忽忽以没抑或身值穷约即忧伤抑不能自振遑问其后之有传人耶呜呼若先生者可以风矣

稟贡生候撰通判世愚侄汤洵 顿首拜撰

陶康公传

宣统二年

浏邑僻处万山中光绪二纪以前士非自旧於甲科则不能表见於世虽其间不无老成英杰而地囿偏隅家少藏书耳目所局见闻斯隘故士或困守章句靡敝贴括不特当世之务无从究极即先达所谓汉宋据义理辞章掌故经

世之学学者概迂阔视之而置为后固於时不为俗学能自跻於经师之林者则有陶畊杨先生先生讳光炳字定思又自号逃畊九岁丧父从其兄读少即落落有大志虽苦卓绝然自别於流俗弱冠补诸生旋食飫优科尝谓制举之业锢人性灵以朝廷功令所在俯就有司绳墨然非所好也与同邑陈大史长罗选抗宗龙相友善日以经义互切有磋家故贫挈其兄子名世勋者闭户攻苦继乃授徒於邑东郭隅奎文阁之白云深处洵受业焉说经铿铿教学者潜心故训旁有子史暇则习计古文辞而制举之文非前明国初诸大家则不以授先是浏邑古学绝少咸同以来承学之士日趋简易剽袭弋取类从寻行数墨中讨生活以故文体日弱今广西道书舍人欧阳瓣董先生

从京邸归以古学倡后进商诸邑前辈购经史子集藏文庙礼乐及南壹讲院特开经
谭优其奖秩聘湘潭五先生壬秋主阅课卷王先生者固海内所称经席 坵者先生喜
其学之不孤用功益猛每课必冠首大为王先生嘉许称人室高第经学之名由是大
噪湖南巡抚陈公宝箴以礼为虽遂与陈此部三立订文字交尝三膺鼎荐乙酉卷后
至列堂备或他卷之有疵者即以易之卒以额满见遗既察知为先生房考主司均叹
腕不置先生自是不复制举文而益肆於经史辞章矣会南皮相国张文达公督鄂
建两湖书院咨调湖南北高材生肄习其中提学张公亨嘉以先生及洵应遂携洵就
学焉院中皮经史图集不下二万金先生大怡素怀於是尽发藏书朝夕探讨即至寒
盛暑不辍约同学湘乡王编修龙文焉 经世学於历代治乳兴废之迹及当今 地扼
要与时政之得失靡不研究其所以然体素癯为学锐自浏抵鄂时经兄子丧微得咯
血症至是益剧提调院事太守徐公家幹始以先生之疾稟於文达公公云胡不早言
以宅法推今岁南剂不吉早避或可挽回且万有不讳齐舍逼仄无 事殓殓非宜岂所

以礼贤者无已其迁於院西帘官公所盖为公手建其东即奉直会馆廊舍整洁花木扶疏意将俾先生习静养疗而冀其疾之廖也同学十余人以藤兜手舁先生人先生张目四顾瞿然警异谓洵日经地恍为吾所习经即命洵振书策策笔砚设案席焉至夜又谓洵曰年来屡梦梦游之今睹堂宇俨如夫子当日雨楹之奠吾其没於此乎於是整襟危坐三日夜神色不乳无欹侧无屈挠惟气咻乚然不接绩洵旁请曰先生疾甚矣惫曷少休首领之及扶掖而先生目螟矣时光绪甲午五月七日卯刻也年四十八先生友爱肫笃自以学之成得力於长兄凡所人即锱铢必寄归非以云报盖其天性然也生平狷介自洁有特操於取与尤严虽名动公卿而一无所请谒没后 篋萧然贫无以殓李君孟麒麟君绍锐倡同学醵金助之自文达公及鄂抚同邑谭公敬甫陈公宝箴余观察肇康皆有赙赠归槨於浏葬焉而王编修以唱第三人旋湘询及先生死事即以数十金恤其家其重当世贤过如此所箸有公羊解诂汉学商竞驳学校贡举私议其他经说诗古文尚夥惜未成编谨按先生学凡三变绍为考所之学继为掌故

章之学终为义理宝践经世之学其公羊解诂则精於故训者也汉学商兑驳则浑汉宋之门户而归本於濂洛者也至学校贡举私义议尤生平学问事功之所见端略曰天下有故事相沿而必变通尽利者学校贡举是也三代贡举皆出学校学校即废贡举遂惟察举策试风犹近古易而制科取与尤滥萧艾取足兰芷见遗蹊先鸣麒麟困虽魁梧秀伟时复间出而困厄章句英华消沮所用非所学则文章为糟粕所言非所行则诗书为刍狗求其淹贯古今踪核时势有裨宝用无蹈空言者科目之兴十无一二此积重之宜返也诚举时制而变通之广居业之区重师儒之责试期略省以观其造就员数特重以厉其进取制科不废必校於六艺射策既中复试以五事至如拔意本撰举别立科限以待异能则经明行修通律晓算军谋将略绝艺奇才莫不并蓄兼收撰贤与能于以通经致用前民而镇俗也又曰议贵切宝而可行不徒依阿以随俗取士之法可少无滥生才之数因连而移与其得千万无用之才何如得一二有用之士夫行不察於乡里则不能综名宝学若专於辞采则不能书人才故言行因时

周孔殊效 晦异致禹颜各适华言无宝为儒者所深耻枉道而进亦妾妇所穷笑是以公孙阿世犹出乡人之劝勉杨绾投牒遂致仕之轻 今宜略依古制广厉学官会教员厚禄秩凡在士著董厥考校区分居业严立课程审其居乡有孝友信义廉耻之行察其轨业为经史艺能才智之选取士以德行为本试策以经术为先外课法今仿经义决狱之制兼及算数奖理财制器之材而又以乡举里选简科目学皆宝用士尽通儒学校贡举之复由此其渐也故文达公评语云不特辞 渊懿其区议论尤为确宝不浮诚谄时俊 之语后朝廷厉精图治改贴括为经义兼试算今且学校林立矣当世名宿议论纷如间有矜为创获而不知皆为先生所喜而不见用於世则又为先生所悲眷念师恩不能不潜焉下涕也先生长身玉立字法钟王工小篆临李阳永谦挂传邓石如弟子识荟径高石几过之无不及也大拇骈一指毋手 必随而动尝举示洵曰人生世上毋若骈枝之赘言虽戏而其最之之意深矣夫人马氏有懿德后先生二年卒子

一名世昌因制科发作投笔奋戎想遂人军籍其介特有爰风云赞日之峻淮水之清
扶兴磅礴笃生书人学具渊源行坚砥励光光夫子传之来冀

稟贡生侯巽通判受业弟子汤洵 薰沐拜撰

民国二十九年岁次庚辰孟秋月 重刊

叔及陶耕夫子学述

宣统二年

嗟乎士之绩学不遇有如我家自会祖后而有叔而皆会蹻以终者乎会祖另有传 谨为叔氏学述而在鄂遥领族政数年以及条著族规至今奉守并其他要件皆不兴为叔讳渔故字陶耕以庚辰岁试人 学学名炳已丑明经辛卯举优自己丑后每科岁试必取经学列一等乡闱自壬午迄癸巳三应荐雨堂备初浏邑经学盛光绪八九年间接礼乐局南壹书院皆厚奖方士卷寄湘潭名下王孝廉壬秋太老师批阅每月一课课年余叔与陈封翁濂泉贝孝廉源昆罗拔贡宗龙太为王壬父奖拔谓淮川经学叔与数君子任之也维时叔聚徒教授系奎文阁三年衡与及门焉叔究心经术就近领礼乐局藏书手钞许氏说文无虑四五遍嗣习毛诗则凡 皇清经解所探如毛诗细义毛诗稽古编无不抄成帙嗣忌书习易者皆然最后习三礼公羊适沪上石印书出遂免抄然简窄字小目即伤而尻复病漏时叔先后就馆湘城江右余观察镇垣及李某军门家每应诂经书院课必考最惜其卷及稿并前在系诸经卷诸抄本

大半分藏于余李雨家及所往来各友处馆湘三年遂游鄂渚襄阳系程某明府馆次年而程逝遂经营雨湖书院以资膏伙当叔之幕游襄阳也湖南提学使者张早咨送叔名於雨湖因程馆致赴考迨后至则额设湖南百名之数满矣该校定章凡外课三列超等例升正课叔名聊超至十有五次限於额满不得升后复叠标第一至不获已始借补湖北额内课由是经学先生之名大燥於鄂渚矣时同学乡如湘乡王侍御泽长水李明府子奇邑熊明府梦楼陈孝廉樾轩皆交莫逆而品学则推叔为最每朔望课经学一门居首者皆逆知为叔犹之词章一间皆逆知居首者泽寰此不待揭晓而知而皆无异词议者也然学愈进漏病愈剧岁甲午益难支柱多劝母再勿听且恃有同邑门下汤明经沁泉同时肄业雨湖谓可无虑后竟以是岁五朋七日溘逝殒殒一切亦竟赖汤叔没同志者以遗稿四本上之鄂督文达相国撰刊嗣后屡请发还未果咩夫形委异地遗稿莫存此衡每一念及所为投笔而长欢者也叔性燥而直形长而瘦志锐而坚学博而正家人骨丹之间纯乎天性经史二学外旁及周秦诸子百家

皆博览强记以及天文星历数地志古今沿革金石音乐好迎胡特龙 医卜堪堪輿皆精 晓字先习颜而后王篆书宗郑后写李阳水谦篆绝佳制艺时赋词章诸稿以及诂经雨湖诸卷亦尚有什之二三存者今碰会祖安澜公零碎遗稿均表藏以待梓叔自少有远成人学之明年即游永州 悉潇湘故宝并恣游衡郴桂迨后游鄂则上溯巫峡来源下沂吴皖赣两江岸要害皆能言之 每谈经引据尤确会襄校湘乡某明府试卷适膳用 某明府因 询及二字从何声叔答以从单声 在段氏音韵表十四部而古音通十七部读若佗盖双声也某索证叔举大东哀我憊人小明憊我不暇两憊字皆读如惰又驹篇有 有骆读如佗以及诗家恒用之 读如妥皆足为证因而一座大警咸服其博又曾应经课题也不意诸生卷中得之他日行政以此推之可也其见许如此其得备弟子於王门亦由此振衡质陋且迂年十七便以家窘故迫而就馆未得溉心经传然窃培育幸聚首时饫聆口授以故毛诗今交尚书及处氏易公羊 正音地理术

各渊源一二至叔三礼之学则茫乎莫窥涯涘矣谨述叔学如此以诏后嗣之能力学者

胞侄振衡敬述于闽仙源官

民国二十九年岁次庚辰孟秋月 重刊

文润公传

谱法凡有功於祠者为之立传赞焉所以观能也尝闻我族族谱遭焚之后会 由我先祖泗公与族内同志三人前往江右不惮跋涉之劳竟得其全谱以扫阙功伟矣此三人者则族会祖文润公其一也今皆立有传赞以彰其功矣而我 文润公独无之是使前贤民而之彰不亦重可惜哉今居四修谱牒之开局也公之嫡曾孙德祥同襄谱事述公往行甚详且嘱予纪之予因乐为之传正公讳文润字时若为人平易正直取与不苟然见义勇为虽捐金不稍吝以故经管钱穀数年因公亏累破产以偿无怨色先是我族谱牒久少复修先辈常以为念而终苦於金之不足仍寝其事泊于同治三年我 先祖泗公始受父命商诸公公慨然允诺遂与尚庄公偕 江右然后谱牒之修告阙成功噫不有创者则后之人其何以继述之乎要知今居之谱复得公之会孙参赞其事者因有待於予之作此传者欤抑公之功绩数应至此而后彰者欤因述其本末如此以观能者族会祖母周孺人内助称贤中馈是式乡称之故能寿增耄年而享征

五福也生子三光年光肇光梅其媳黄孺人即光年公之配德祥亦得享寿八十有五岁予犹得一见之其举止端方如大家然孙五世烘世和世合世福世歆盖世烘叔即德祥之严父也德祥谓着次绩修则有会祖润公以在任经理而兼识二次绩修则我祖年公以谱竣后而理钱穀今三次矣我则滥竽斯识而我叔世合则又经管钱穀是三次之修皆我家与君家迹同而事同乎予曰是殆有数存焉时来数可而后润公之绩到此益彰非偶然也德祥又谓伊祖年公经芝钱穀多战自知病革难廖特於民国七年戊午十月十四冯文总即于次日弃世云云予曰奇哉唯见君家之事耳姑就所闻而并志之於，润公之功绩因水待予传而自彰矣是为序 赞曰绰有功绩不求人知急公义 后世之师勤劳谱事四代三修孙承予继亦孔之休

族会孙德焜敬撰

民国二十九年岁次庚辰孟秋月 谷旦

光石公传

今夫木之大者必其根深蒂固而后枝叶扶疏水之深者必其源远流长而后江河成浸此理之常也何独至於人而这然乎间常以此论家道矣是故家之隆者必其人之忠宝勤俭有以自增其本根而后子孙守之可以勿坠吾族类多谨之士而能以忠宝自固勤俭自持者吾得一人焉则光石公是已今岁四修谱牒之径始也庄叔与予召责编修此以聚谈日多因得闻公之为人与其家道这所以克昌者恭有道矣谱将竣庄叔嘱予为之传焉予虽鄙陋寡闻不足以彰公善然而义不容辞乃勉就所闻见者而述之其传曰，公讳光石字蕴玉号琢吾清授国学生世居祖屋即东关外之杨家弄也其大父尚科公飭躬务不衿农不 细行循循然一介这民民耳父文腾公善继父志卒绍箕裘其母温大君幼嫔内训长型母仪故能最相夫子有大家之风焉初公之为子为子也文腾公不幸早故其弟光振年借一龄独自支持奉母携弟以居耕不辍以娱亲心及弟稍长便与弟操作朝耕暮读日以为常以故文章诗赋者皆略知繁乃与

弟析居若恐为弟也累者故虽析而爱犹是也於是弃农为商货殖屢中不数年即居然称素封焉公素以廉正自守故辩理团务人无烦言嗣又继任副族数十年排难解纷无不尽力族人至今独称道不少衰岁庚戌族谱方议三修举为春生祀经理钱穀兼任谱局编修事虽繁重而游刃有餘盖公之足堪任事类如此公晚年好游山水遂通青岛之术如兰花 敦绪公之墓及打石 温太君之劳悉皆出其目力他如山祖 莫不经营而指示之盖其目力他如祖山祖 莫不经营而指示之盖其殫精研思又如此公既老遇生息日蕃乃悉以资财产分异诸子使各分居另 而已仍复特加修饰以爲尚科公之食堂焉工未竣而疾作以民国十九年庚午十二月初二日卒卒之前夕正襟危坐忽命其子若孙聚集一堂而告之曰吾殆将死矣生平志原已惟清泉街尚科公食堂至今未竣是吾之遗憾也汝等宜继续完成之方为我子云云呜呼公之孝思纯笃於此可见诗云永言孝思惟则其我公之谓乎配欧氏大家也属守妇道善事姑嫜是以族人莫不称之今年已八旬矣犹健羨如常焜尝过从之餘得见其 宇温和

使人爱敬之心不觉油然而生以其孙等会从予游每呼予为先生云丈夫子六惟三四暨第六子无禄早世馀皆经营商业大有蒸蒸日上象一下子出继光振为嗣即庄叔也六子出继光孚公即石公之堂弟也餐堂事业以告厥成功并经庄叔等绘固于谱以垂不朽矣呜呼如石公者复何憾哉是所谓谓根深蒂固源远流而流长者欤从而赞之曰大哉石公古道可风及苗裔传之无穷

十九代族孙德焜 敬撰

民国二十九年岁次庚辰孟秋月 谷旦

清诰封宜人杨母萧太君纪略

杨母萧太君者汉明公之女也母性敦厚宅心慈祥见人有冻馁疾苦必设法以济之
否则终日不乐又善针灸凡贫病交加之人辄相趋候有针到病除之准以故康强逢
吉兰阶挺秀天之报施善人良有以也 孙复礼谨志

清诰封奉政太夫杨公光诰事略

公姓杨氏讳光祐字则吾邑东关外杨家弄人也生性纯笃事父母以孝闻以贫故弃学就商生来於湘鄂间博蝇头以养志父早逝哭之恸恒思有以亲无何商业获利甚丰乃循例捐识孝子力学以承先志因操劳过甚先大夫人逝易箦时犹呼母不直云德配浏氏清诰封宜人也嫻习四训秉礼知书相夫孝养人无间言教子以义待人以和终岁纺绩藉舒家累不因贫而贪更不因贫而鄙夫唱妇随一堂睦人多称之其子从政从商均能尽识古语云有是乃有是子诚然子复礼谨识

民国二十九年岁次庚辰孟秋月 谷旦

鼎坦先生家传有序

杨子裕夫吾总角老友也以书来言其族谱方修俗为

尊人鼎坦先生作传嘱宏纪之宏於先生为执且柳其学问文章而亲炙之者久矣吾恶得不一言以纪之乎先生姓杨氏讳世勋字鼎坦官名振衡又自号清白子祖居邑东关外杨家弄人也由清乾道之际居关城云盘故又号云盘里人先生幼而颖异才器过人凡文章记诵一过无遗事父母以孝闻兄弟之间怡怡如也其季父陶先生为邑名士从之读相与闭户攻苦深得家学渊源其时宏师汤沁泉先生与先生同学亦深得经学之津梁者也先生年十九人邑痒声名噪甚士林尊之初馆於邑东课徒授业终岁馆穀悉以人空旋游湘就省普济院聘继就衡山陈御史聘历年教授馆穀稍丰然终不以自私门下达士如黄生瑞麒为清御史其余类皆为守为今指不腾屈福建漳守陈嘉慕其才以礼罗而置之幕下先生於是遂游闽海隔岁一先生卒先生闻电而归哀慕如孺子既而丧葬尽礼仍复南游因亲老思禄养试为吏福建漳守荐其

才而游扬这清浙闽总督松藩司向委署仙游典史轮补海门巡检兼营署枫亭巡检等缺民国纪无历团泰宵云等系卒於沙埕税局凡服官司二任历差十余而没后无余余十载宦囊两袖清风故福建督军李厚基以因公病故题请抚卹其家因得扶亲以先生病革时谓其子曰吾本思禄养耳不料病终不起吾不忍汝祖母之垂老而有痛子之惨也言讫汨簌簌盖下其至性纯孝如此当先生盛时凡有所制如衣服等事虽千里以书问诸母而后购行年四十尚未服裘也厥以此即知先生之孝行矣初先生之为典史时也值系今贪残全城市领因固请於先生而调解之是时先生方寢疾不得已乃召仙邑正绅四人力疾同重於市民有如此者以此又知先生之为政矣生平博闻强记著有谭艺钞一卷说文抄一卷五胡世系表二卷吏治研究策一卷诗集四卷赋篇歌集各一卷著作繁夥不可殫术类皆经学渊源非浅近俗学者所能窥探也夫人叶氏邑西茂芳公之女也幽间贞静四德兼全故能善事姑克尽礼以内肃然无声宏以通家子侄共屋而居罕见之益先生刑于之化有以致这也夫人以先

生故常尤不乐后先生一年而卒丈夫子二长德炜早死次德焜现任谱牒编修者皆与宏幼同嬉长同学也且先生团署泰 云霄时吾先生君又游其幕府有年尝言先生之政简刑清若无事然盖皆出於经术以饰吏治而非黄老之学也宏於先生分同犹子谊连姻亲故知先生之家世甚详犹及见先生之方行表表可道者赘而述之究何彷彿其万一哉谨粗成崖略以资后之观览焉赞曰，经学之不明也久矣而先生独能自於流俗之中崛起於绝学之后以首倡之得天下英才而教育之其为士林所宗仰也不亦宜乎於宦途官阶又非先生之所乐为者呜呼尚矣

姻世侄黎宏 敬撰

民国二十九年岁次庚辰孟秋月 谷旦